

醫略六書

320

卷廿二

廿三

廿四

雜病證治



醫略六書雜病目錄卷之二十二

欬嗽

內因

外證

辨證

脉法

治法

辨治

死證

用藥

胸痺附

欬嗽方目

參蘇飲

越脾加半夏湯

門冬清肝飲

潤肝丸

加味二冬湯

肺癰方

葶立大棗瀉肺湯

粉黛方

團參飲子

千金五味子湯

枳殼煮散

參胡三白湯

括蕞薤白白酒湯

醫略六書雜病證治

卷之二十二

目錄

一

趙翰香居藏板



南京中醫藥大學圖書館版權所有

喘病

內因

外證

辨證

脉法

用藥

喘病方目

麻黃定喘湯

三拗湯

五味子湯

參蘇溫

華蓋散

哮喘病

內因

外證

辨證

脉法

治法

辨治

用藥

哮喘方目

白果湯

五虎湯

溫肺湯

鍾乳丸

冷哮丸

越脾湯

捷徑法

吐血

內因

外證

辨證

脉法

治法

辨治

危證

用藥

吐血方目

千金當歸湯

花藥石散

十灰散

新定紫菀茸湯

黃耆六一湯

柴胡疎肝湯

黃連瀉心湯

門冬飲子

生地黃散

天門冬丸

三黃補血湯

清睡湯



桂苓甘露飲

參蘇飲

小安腎丸

保元湯

呃逆

內因

外證

辨證

脉法

治法

辨治

危證

用藥

呃逆方目

丁香柿葉湯

橘皮竹茹湯

丁香煮散

橘皮湯

柿錢散

木香調氣散

附子粳米湯

捷徑法

嘔吐噦

內因

外證

辨證



南京中医药大学图书馆版权所有

脉法

治法

辨治

死證

用藥

嘔吐噦方目

橘皮半夏湯

橘皮竹茹湯

橘皮乾姜湯

竹茹湯

千金麥冬理中湯

千金人參湯

安虵薊

小半夏湯

大半夏湯

半夏生姜大黃湯

紅豆丸

二陳逍遙散

痞滿

內因

外證

辨證

脉法

治法

辨治

用藥



痞滿方目

連理湯

丁沉透膈湯

指迷七氣湯

厚朴溫中湯

黃連瀉心湯

東垣失笑散

木香順氣湯

消痞丸

噎膈

內因

外證

辨證

脉法

治法

辨治

死證

用藥

噎膈方目

五汁飲

七聖湯

湧痰湯

開關利膈丸

五噎丸

五隔丸



局方七氣湯

代抵當丸

蜜煎導法

捷徑法

反胃

內因

外證

辨證

脈法

治法

辨治

用藥

反胃方目

木香調氣散

滋血潤腸湯

滋血清膈散

藿香安胃散

茯苓澤瀉湯

桂苓丸

人參固本丸

附子散

九伯餅

小半夏湯

大半夏湯

金桃酒



醫略六書雜病證治卷之二十二

欬嗽 胸逆附

五藏六府皆令人欬非獨肺也其要則皆歸於肺以肺主氣而聲從此出故欬嗽之原聚於肺而關於肺

內因

肺爲嬌藏清虛之體惡熱畏寒外因六慾內因七情肺金受傷而欬嗽之病從此作矣

外體

欬者無痰有聲肺氣傷而不清也嗽者無聲有痰脾濕動而生痰也有痰有聲謂之欬嗽凡傷風欬嗽鼻塞聲重痰多曰沫傷寒欬嗽胸緊怯寒痰必稠靱傷暑乾欬口燥汗多心煩面垢傷濕痰嗽身重煩疼溺澀自汗火鬱喘欬必連聲痰多堅老傷燥乾咳咽痛聲嘶得痰咳止食積痰嗽面色青黃痰出如膠瘀血咳嗽窒塞氣腥或兼脇痛胃火咳嗽善渴善饑日晡尤甚肝火咳嗽面青多怒甚於午前陰虛咳嗽五心煩熱氣從下起勞傷咳嗽必氣怯痰涎帶血勞倦欬嗽必困倦涎痰清稀停飲欬嗽腸鳴漉漉水逆不入肺脹欬嗽喘急氣鼾右側不眠欬久成瘰必雲門中府引痛咯吐膿血腥穢異常



辨證

肺欬之狀欬而喘息有音甚則吐血心欬之狀欬則心痛喉中介介如梗狀甚則咽腫喉痺肝
欬之狀欬則兩脇下痛甚則不可以轉轉則兩脇下滿脾欬之狀欬則右脇下痛隱隱引肩背
甚則不可以動動則欬劇腎欬之狀欬則腰背相引而痛甚則欬涎藏欬不已傳於六府胃欬
之狀欬而嘔嘔甚則長虫出膽欬之狀欬嘔膽汁大腸欬狀欬而遺糞小腸欬狀欬而失氣氣
與欬俱失膀胱欬狀欬而遺溺三焦欬狀欬而腹滿不欲飲食面浮腫氣逆也

脉法

浮爲風緊爲寒洪數爲熱濡細爲濕寸關濇難尺內弦緊爲房勞陰虛右關濇大飲食傷脾左
關弦數疲極傷肝右寸浮短爲傷肺通濇爲肺寒洪滑痰火弦濇少血肺脈微急欬而吐血脉
沉或浮聲音清朗者可治脉來洪數形瘦面赤腎衰氣不上朝聲啞者難法暴病欬嗽睡臥不
下爲肺脹形氣未衰者可治久病喘嗽左側不臥爲肝傷精氣未衰者可治右側不臥形氣衰
甚欬吐白沫爲肺痿難痊久嗽脉弱者生實大弦強急疾者死

治法

因欬有痰治在肺因痰致嗽治在脾表證藥不宜靜靜則留連不解變生他病宜辛甘發散

寒涼收斂裏證藥不宜動動則火熱不甯燥痒愈甚宜甘寒潤養忌辛香燥熱春宜抑肝潤肺
夏宜降火清金秋宜清熱瀉濕冬宜解表行痰新欬宜散久欬宜清氣虛宜補陰陰虛宜潤

辨治

肺欬千金五味子湯去續斷地黃赤小豆加麥門冬葶藶細辛心咳涼膈散去硝黃加黃連竹
葉天竺黃肝咳枳殼煮散去芎防加肉桂橘紅蘇子脾咳六君子湯加枳殼桔梗腎咳都氣丸
加麥冬人參胃欬異攻散加蜀椒黃連烏梅膽欬小柴胡湯加蘆根汁大腸欬補中益氣湯去
升麻加桔梗小腸桔梗湯加人參茯苓五味子膀胱欬五苓散加人參三焦欬局方七氣湯加
黃連枳實腎虛喘欬腎氣丸加麥冬五味脾虛涎欬六君子湯加五味麥冬

死證

上氣面浮腫喘息擡肩咽瘡失音身熱不眠者均危喘欬腹滿嘔瀉不止者必死欬而脫形身
熱不止者亦死

用藥

外邪欬嗽二陳湯風加前胡防風寒加細辛羌活熱加黃芩山梔濕加蒼朮防已食積加山查
麥芽氣滯加枳殼桔梗內傷欬嗽二冬湯加桑皮黃芩痰多加瓜蒌貝母肺鬱加欬冬紫苑肺

虛加入參黃耆見血加阿膠紫苑陰虛加龜板知母脾虛異攻散加石斛五味腎虛地黃湯加五味麥冬寒飲喘欬小青龍湯水寒射肺欬嗽五苓散痰火薰肺欬嗽面浮粉黛散肺中有虫欬嗽潤肺丸肺痿吐沫二地二冬湯以滋陰門冬清肺飲以善後肺癰吐膿初以小青龍湯徹越其邪二冬二母湯以清潤其肺葶歷大棗湯排膿團參飲子善後肺脹不眠越脾加半夏湯以徹邪四物湯加桃仁枳殼以活血四苓湯加葶歷桔梗以崇土肅金六味丸加麥冬五味以納氣歸原胸痺引背作痛括婁薤白白酒湯

選方

參蘇飲 治氣虛傷風欬嗽脉浮濡者

人參

八分

蘇葉

錢半

桔梗

八分

前胡

錢半

半夏

錢半

橘紅

錢半

杏仁

二錢

茯苓

錢半

甘草

五分

水煎去渣溫服

風邪久戀肺氣內虛不能隨時解散故欬嗽嘔惡發熱憎寒焉人參扶元補氣以托邪蘇葉理血疎風以解表桔梗清咽利膈前胡疎肺消痰半夏化濕痰橘紅利氣痰杏仁散痰降逆氣茯苓滲濕清肺氣甘草緩中協諸藥以攘外也水煎熱服使風邪外解則肺氣內充而肺絡清和發熱憎寒無不退欬嗽嘔惡無不除矣此疎肺內托之劑爲傷風欬嗽氣虛之端方

越脾加半夏湯 治肺脹不眠脉浮數弦大者

麻黃 錢半 石羔 五錢 半夏 錢半 甘草 五分 生姜 三片 大棗 三枚

水煎去渣熱服

風寒外束肺氣不能分布而遏熱於中胃火蒸騰故肺脹不得眠焉麻黃疎肺逐邪於外石膏清胃泄熱於裡半夏醒脾胃以通陽姜棗調營衛以解外甘草協和諸藥以調和表裡也水煎熱服使風寒外解則內熱頓泄而肺胃清和安有肺脹不眠之患乎此分解之劑爲外邪遏熱肺脹之劑方

門冬清肺飲 治氣虛火炎欬嗽脉軟數者

人參 錢半 黃耆 三錢 麥冬 三錢 五味 八分 當歸 二錢 白芍 錢半 紫苑 二錢 甘草 八分

水煎去渣溫服

元氣虛衰不能攝火歸經故肺受火燔欬嗽不止焉人參扶元補肺氣黃芪補氣攝火邪麥冬潤燥清心火五味欬肺止欬嗽當歸養血營經白芍收陰安肺紫苑分化肺氣以肅金炎草調和脾胃以壯氣也使元氣內充則虛火潛藏而肺金清肅欬嗽無不退矣此扶元欬肺之劑爲氣不攝火欬嗽之劑方

潤肺丸 治濕熱生虫蝕肺欬嗽脉數者

百部 二兩 黃連 一兩 明礬 一兩 桑皮 一兩 史君 三兩 鶴虱 二兩 棟根 二兩 甘草 五錢

爲末白芨膏糊丸每服三錢滾水下

濕熱不消變化生虫而侵蝕肺葉故欬嗽不止煩心惡熱焉黃連清熱燥濕百部溫肺殺虫明礬却濕以杜生虫之本鶴虱殺虫以絕化虫之源桑皮清肺氣以肅金甘草緩中州以和胃史君子健脾氣化積棟根皮瀉濕熱殺虫白芨膏潤補肺之殘缺也糊丸滾水下使濕熱頓消則虫積自化而肺損復完安有欬嗽成癆之患乎此殺虫化濕熱之劑爲虫蝕肺葉欬嗽之端方

加味二冬湯 治欬嗽痰腥脉虛數者

天冬

錢

麥冬

三錢

生地

五錢

熟地

五錢

沙參

二錢

款冬

三錢

川貝

二錢

桔梗

六分

萋霜

二錢

紫苑

二錢

茯苓

錢半

甘草

五分

水煎去渣溫服

眞水不足虛火上形肺金肺氣不能宣通故肺燥咳嗽而痰涎腥穢將成肺癰焉麥冬清心潤肺燥天冬潤肺燥益陰生地滋陰壯水以制火熟地補陰益腎以填精沙參泄熱補肺川

貝清肺化痰藁霜搜滌燥痰桔梗清利咽膈紫苑泄肺以肅金欬冬潤肺以散結茯苓清肺和脾生草瀉火緩中也俾水旺火平則肺金自潤而肺氣宣通無不痰消欬止安有肺癰將成之患乎此壯水肅金之劑爲燥欬將成肺癰之端方

肺癰方 治肺癰已成卽潰未成卽消脉數者

黃耆 二錢 蜜炙 桔梗 錢半 葶歷 錢半 甜炒 川貝 二錢 去心 白芨 三錢 米仁 五錢 銀花 二錢 陳皮 錢半 甘草 錢半

水煎去渣溫服 初起去黃耆加防風已潰加人參久不欬加合歡皮

肺邪鬱伏肺氣不能宣通故濁痰滯血壅塞肺竅而成肺癰焉黃芪壯肺氣以排膿葶歷瀉濕熱以清肺桔梗清肺利咽膈米仁健脾滲濕熱白芨潤肺補虛川貝清肺解鬱陳皮利氣除痰銀花清肺解毒甘草緩中瀉火以和胃氣也初起去黃芪之壅滯加防風以散邪已潰加人參以扶元久不欬加合歡皮以收口此壯氣排膿之劑爲統治肺癰之端方

葶歷大棗瀉肺湯 治肺癰喘不得臥脉數者

葶歷子 二錢 甜炒 黑大棗 十二枚

水煎去渣溫服

濕熱傷肺肺氣不得通調而失降下之令故喘不得臥將成肺癰焉葶歷瀉濕熱肅清肺氣



對

大棗益脾元培補肺母二味成方氣專力工俾土能生金則濕熱自化而壅結頓開肺金肅清安有肺癰將成之患乎此培土瀉濕熱之劑爲肺癰喘不得臥之端方

粉黛散 治喘嗽面浮脉滿數者

青黛 三兩 蛤粉 三兩

爲散米飲下三錢

火鬱不伸濕溢上甚故肺受薰灼喘嗽面浮焉青黛清火解鬱蛤粉利水益陰二味成方能使治火平濕化而肺得青肅之令安有喘嗽面浮之患乎此清利之劑爲濕火逆上之端方

團參飲子 治肺虛久欬脉弱者

紫團參 三兩 紫宛茸 二兩 款冬花 二兩 烏梅肉 一兩

爲散每服三錢水煎去渣溫服

肺虛氣逆失降下之令故邪伏不解欬久不止焉紫團參端補肺虛烏梅肉端收津液紫宛泄逆氣以達邪欬冬潤肺氣以流通也爲散水煎使肺氣內充則逆氣自降而伏邪外泄肺金肅清欬無不止矣此泄逆欬氣之劑爲肺虛久欬之端方

脉法

千金五味子湯

治傷燥欬唾有血牽引胸脇痛脉濡微數者

五味

五分

桔梗

三分

甘草

五分

生地

三錢

赤小豆

三錢

桑皮

一錢

續斷

一錢

紫苑

一錢

竹茹

一錢

水煎去渣空心服秘旨加白蜜一匙

肺金傷燥肺氣不能分布而經絡阻塞津液無以流通故肺陰暗耗欬唾有血胸脇牽引作痛焉五味收津歛液續斷徹絡通經桑皮瀉濕熱以清肺桔梗清肺氣以利膈紫苑開泄肺氣竹茹善解胃鬱甘草緩中氣小豆滲濕熱生地滋陰以充潤百骸白蜜潤肝燥以通行治節也使經絡流通則津液四布可無傷燥之虞安有胸脇引痛欬唾有血之患乎此通經潤燥之劑為傷燥欬血引痛之端方

枳殼煮散

治欬引脇下痛脉弦者

桔梗

八錢

枳殼

兩半

細辛

五錢

川芎

一兩

防風

兩半

甘草

五錢

葛根

兩半

生姜

十片

紅棗

三兩

為散水煎三錢去渣溫服

燥金受風木之邪肺氣失清肅之令故木反侮金欬引脇下痛焉防風散風肅金川芎活血

